

Sisimiut, Kangerlussuup Maniitsullu eqqaanni assartuutit motorinik ingerlatillit atorneqarneri pillugit Namminersornerullutik Oqartussat nalunaarutaat

Avatangiisit innarlitsaaliorneqarnissaannik inatsisartut peqqussutaanni nr. 12, 22. december 1988-imeersumi, inatsisartut peqqussutaatigut nr. 7, 13. maj 1993-imeersukkut aamma inatsisartut peqqussutaatigut nr. 14, 31. oktober 1996-imeersukkut allanngortinneqartumi, § 7 b, imm. 1 aamma § 46, imm. 2 naapertorlugit aalajangersarneqarpoq:

Kapitali 1.

Atuuffissai il.il.

§ 1. Sisimiut, Maniitsullu kommuniini kiisalu Kangerlussuup eqqaani kommunit aggornerisa avataanniittumi nunaannarmi pinngortitap avatangiisillu illorsorneqarnissaat eqqarsaatigalugu assartuutit motorillit sumi atorneqarsinnaaneri pillugit malittarisassat nalunaarummi uani aalajangersarneqarput.

Imm. 2. Nunaannaat nalunaarummi uani tassaatinneqarput sumiiffit kommunit illoqarfinnut nunaqarfinnullu pilersaaruteqarfigisaasa avataanniittut kiisalu akuerisaasunik nunaannarnut pilersaaruteqarfigineqanngitsut. (nunaannaat pillugit pilersaarut)

Imm. 3. Kangerluit sikuutilutik nunaannarmiittutut naatsorsuunneqassapput.

Imm. 4. Sumiiffik pineqartoq tassaavoq avannamut Sisimiut Kommuniata avannamut killinganiit kujammut Maniitsup Kommuniata kujammut killerpiaa - tak. nunap assinga ilanngussaq 1.

Imm. 5. Nunat assingi ilanngussat 1 - 3 sumiiffit assartuutit motorillit atorneqarsinnaaffinik takutitsisuupput.

§ 2. Assartuutit nalunaarummi uani tassaatinneqarput:

- 1) qamutit motorillit suulluniit, sikumi, apummi, qaqqani kiisalu nunap ilusaani allani allanngortinneqanngitsuni atugassatut sanaat taakkunani luuniit atorneqartartut, kiisalu
- 2) angallatit motorillit suulluniit kuunni tatsinilu imeqarfitt eqqaanni naalakkersuisut matusaasa iluini angalanermut atorneqartut.

Imm. 2. Angallavigineqarsinnaatitaasut nalunaarummi uani tassaatinneqarput aqqutit nunap assingini ilanngussani 1-3-imni takutinneqartut 100 meterisut silitsigisut assartuutinik motorilinnik angallavigineqarsinnaasut.

Imm. 3. Sumiiffit motorilinnit angallavigineqarsinnaasut nalunaarummi uani tassaatinneqarput sumiiffit assartuutinik motorilinnik angallavigineqarsinnaasutut akuerisat.

Kapitali 2.

Angallannermut ataatsimut aalajangersakkat.

§ 3. Nalunaarummi uani angallavagineqarsinnaatitaasutut taaneqartut kiisalu sumiiffit, motorilinnik angallavissatut immikkoortitaasut avataanni motorilinnik angalaneq inerteqqutaavoq.

Imm. 2. Aqqusinerni, unittarfinni assigisaannilu tamanut naatsorsuussani angallanneq inatsisini allani malittarisassaqaqtinneqarpoq, taamaammallu nalunaarummi uani pineqarani.

Imm. 3. Naalakkersuisut kommunillu avatangiisnik pinngortitamillu nakkutilliillutik angalaneri, annaassiniarnerit, politiit misissuineri assigisaallu nalunaarummi uani pineqanngillat.

§ 4. Imeqarfuit eqqaanni sumiiffinni matusani angallassissutinik motorilinnik atuineq tamarmi inerteqqutaavoq.

§ 5. Tamanna pisariaqartutut isigineqarpat communalbestyrelsit angallavagineqarsinnaatitaasunik kiisalu sumiiffinnik motorilinnit angallavagineqarsinnaasunik nalunaaqutsersuisitsisinaapput.

Sumiiffinni angallavissiarineqartuni angalanermut maleruaqqusat

§ 6. Nunami angalasoqarsinnaavoq

1) nuna imermik unerarfingineqanngippat kiisalu ima qajannaatsigippat nuna naasullu ajoquserneqartussaanatik, kiisalu

2) nuna qerisimappat naasullu apummit 20 cm-iteriusumit, aputip naqigutap 7 cm-iusup nunap qaaniit uuttukkap taamaaqataanik, qallersimappata.

Imm. 2. Nuna angallavagineqarunnaassaaq aput illersuutaasoq peeruppat kiisalu issangiarneratigut aattornerup nalaani nunalluuniit aqilinerata nalaani.

Imm. 3. Angalanermi nuna naasunut aseruutaasinnaasumik sangupilorfingineqassanngilaq. Kiisalu orpikkat masarsuttallu aqqlusaarneqassanngillat.

Imm. 4. Kuuit sinaat uingarnillu kiisalu tatsit killingi, kuuit annerit kiisalu kangerluit ajornanngippat ikaarneqartassapput naasut nunallu ajoquserneqarfissarinngisaasigut.

Imm. 5. § 6, imm. 1-imi aalajangersakkat immap sikuani angallannermut atuutinngillat.

Kapitali 3.

Immikkut akuersissuteqartarnerit

§ 7. Inuussutissarsiorlutik angalasut § 3, imm. 1-imi aalajangersakkant atuutitsivigineqannginnissaannik naalakkersuisut immikkut akuersissuteqarsinnaapput.

Imm. 2. Imm. 1 naapertorlugu immikkut akuersissutit sivisunerpaamik ukiumut ataatsimut atuuttussanngortinneqartassapput.

Imm. 3. Kattuffit peqatigiiffillu inuussutissarsiortut sinnerlugit imm. 1 naapertorlugu immikkut akuersissuteqartoqarnissaanik qinnuteqarsinnaapput.

§ 8. Angallavagineqarsinnaasut sumiiffillu nalunaarummi uani taaneqartut avataanni angalanissamut naalakkersuisut immikkut akuersissuteqarsinnaapput soorlu ilisimatutut sulianut, sulianut inuussutissarsiornermut tunngassuteqartunut, timersornikkut aaqqissuussinernut, nerisassanik angallassinernut imaluuniit allanik inuiaqatigiit eqqarsaatigalugit pisariaqartunik patsiseqartunut.

§ 9. §§ 7 aamma 8 malillugit immikkut akuersissuteqarfingineqarnissamik qinnuteqaat allakkatigoortuussaaq, kiisalu makku pillugit paassisutissanik imaqqassalluni:

1) Inuit immikkut akuersissummi ilaatinneqartut tamarmik aqqi

- 2) Immikkut akuereqqunermut pissutaasut
 - 3) Nunap assingini pineqarsinnaasuni annerpaani angallavagineqartussatut pilersaarfit titartakkat kiisalu angallavagineqartussat qanoq akulikitsigisumik angallavagineqartarnissaat
 - 4) Assartuutit amerlassusaat suussusaallu
 - 5) Piffissaq immikkut akuersissuteqarfigineqartussaq kiisalu
 - 6) Paasissutissat allat naalakkersuisut suliamik suliarinninnerannut pingaaruteqarsinnaasut.
- Imm. 2. Angalanissaq qaammammik ataatsimik sioqqullugu qinnuteqaat nassiuunneqassaaq*
- Imm. 3. Naalakkersuisut immikkut akuersissuteqarnermi naleqqussorineqartunik piumasaqaateqarsinnaapput.*
- Imm. 4. §-it 7 aamma 8 naapertorlugit immikkut akuersissutigineqartut naalakkersuisunit qaqugukkulluunniit allanngortinneqarsinnaallutilluunniit atorunnaarsinneqarsinnaapput immikkut akuersissuteqarnermi piumasaqaatigineqartut unioqqtinnejarpata imaluuniit naalakkersuisut isumaat naapertorlugu pinngortitaq avatangiisillu ajoquserneqartillugit.*
- § 10. Kapitali manna naapertorlugu aalajangiinerit tamarmik kommunit pineqartut tusarniaavigineqareernerisigut pisassapput.**

Kapitali 4.

Nakkutiliineq il.il.

- § 11. Kommunalbestyrelsit nalunaarummi uani malittarisassat malinnejarnersut nakkutigissavaat.**
- Imm. 2. Kommunalbestyrelsit angallavissani sumiiffinnilu nalunaarummi uani taaneqartuni angalanernik inerteqquteqarsinnaapput peqqussuteqarsinnaallutillu § 6, imm. 1 aamma 2-imi angalanermut maleruaqqusat piffissap ilaani naammassineqanngikkaanngata.*
- Imm. 3. Peqqussutit tassaasinnaapput angallaviit aalajangersimasut atorneqarnissaannik piumasaqaatit.*
- Imm. 4. Inerteqqutit tassaasinnaapput sumiiffinni aalajangersimasuni piffissami aalajangersimasumi angallannerup tamarmi unitsinneqarnissaanik piumasaqaatit.*
- Imm. 5. Nakkutiliinermut atortitsinermullu Avatangiisit innarlitsaaliorneqarnissaat pillugu inatsisartut peqqussutaanni nr. 12, 22 december 1988-imeersumi, inatsisartut peqqussutaasigut nr. 7, 13. maj 1993-imeersukkut allanngortinneqartumi, kapitali 4-imi § 44, imm. 2-imi malittarisassat aamma atuupput.*
- § 12. Nalunaarut manna naapertorlugu aalajangikkat tamarmik Avatangiisit innarlitsaaliorneqarnissaat pillugu inatsisartut peqqussutaanni kapitali 10-mi malittarisassat naapertorlugit naammagittaallitigineqarsinnaapput.**

Kapitali 5.

Pineqaatissiinerit atuutilernissaanullu aalajangersakkat.

- § 13. Uku akiliisussanngortinneqarsinnaapput:**
- 1) § 3, imm. 1-imik, § 4, imm. 1 aamma 2-imik kiisalu § 6, imm. 1-4-imik unioqqtitsisut
 - 2) § 11, imm. 2 naapertorlugu peqqussutinik inerteqqutinillu uniuisut
 - 3) § 9, imm. 3 naapertorlugu piumasaqaatigineqartunik malinninngitsut.
- § 14. Aktiaateqarluni piginneqataassuteqarlunilluunniit ingerlatseqatigiiffik, piginneqatigiilluni ingerlatseqatigiiffik (piginneqatigiiffik) assigisaaluunniit unioqqtitsisuppat ingerlatseqatigiiffik inatsisini taama isigineqarnini naapertorlugu akiliisussanngortinneqarsinnaavoq. Namminersornerullutik Oqartussat, kommunit imaluuniit kommunit suleqatigiiffiat unioqqtitsisuppat Namminersornerullutik**

Oqartussat, kommunit kommunilluuniit suleqatigiiffi taamaannermissut
akiliisussangortinneqarsinnaapput.

§ 15. Nalunaarut manna ulloq 15. juni 1999 atuutilerpoq.

Namminersornerullutik Oqartussat, ulloq 25. maj 1999.

Alfred Jakobsen

/

Søren Hald Møller

Ilanngussaq 1 nunap assiga
Ilanngussaq 2 nunap assiga
Ilanngussaq 3 nunap assiga

Namminersorlutik Oqartussat

Imaneq 4
3900 Nuuk
E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut